

RHEOLIADAU FFIODED DYSGU MYFYRWYR - 2024/25			
Adran	Cynllunio Strategol a Gweinyddiaeth Myfyrwyr		
Awdur	Cyfarwyddwr Cynllunio Strategol a Gweinyddiaeth Myfyrwyr		
Awdurdodwyd Gan:	Bwrdd yr Is-ganghellor; Pwyllgor Strategaeth a Chyllid		
Gweithredwyd Gan:	Derbyniadau a Chyllid		
Rhif y Fersiwn:	2	Pwyllgor Cymeradwyo:	Bwrdd yr Is-ganghellor
Dyddiad cymeradwyo:	28.06.24	Rhif cofnod:	
Statws:	Cymeradwywyd	Dyddiad Gweithredu:	2024/25
Cyfnod cymeradwyo:	1 flwyddyn	Dyddiad Adolygu:	Gorffennaf 2025
Rwyf wedi cynnal prawf sgrinio asesiad o'r effaith ar gydraddoldeb i helpu i ddiogelu rhag gwahaniaethu ac i hyrwyddo cydraddoldeb.			Cyfarwyddwr, SPSA
Rwyf wedi ystyried effaith y Polisi/Strategaeth/Gweithdrefn (dilëwch fel sy'n briodol) ar yr iaith Gymraeg a darpariaeth yr iaith Gymraeg yn y Brifysgol.			Cyfarwyddwr, SPSA

1. CYFLWYNIAD

- 1.1 Mae'r ddogfen hon yn amlinellu'r rheolau a'r rheoliadau mewn perthynas â ffioedd dysgu ar gyfer myfyrwyr Prifysgol Wreccsam.
- 1.2 Caiff y ffi gyhoeddedig ar gyfer myfyrwyr israddedig cartref llawn amser ei hadolygu'n flynyddol ac yn destun newid yn unol ag unrhyw gynnydd a ganiateir gan Lywodraeth Cymru. Caiff unrhyw newidiadau i ffioedd dysgu myfyrwyr eu cyfathrebu i'r myfyrwyr yr effeithir arnynt drwy e-bost a'u cyhoeddi ar wefan y Brifysgol.

Rhaid cyflwyno manylion ynghylch sut mae myfyriwr yn bwriadu talu ei ffioedd dysgu wrth ymrestru (cofrestru). Mae'n rhaid i fyfyrwyr sydd wedi'u noddi i astudio yn y Brifysgol ddarparu llythyr wrth ymrestru/ail-ymrestru ar gyfer pob blwyddyn o'u cwrs yn cadarnhau y bydd eu noddwr yn talu'r ffi am y flwyddyn academiaidd benodol honno, cyn pen 30 diwrnod. Rhaid i fyfyrwyr llawn amser wedi'u hariannu'n llawn gyflwyno'r hysbysiad cymorth myfyrwyr y Cwmni Benthyciadau i Fyfyriwr sy'n cadarnhau'r cyllid.

- 1.3 Ni chaniateir i fyfyrwyr ymrestru/ail-ymrestru os oes ganddynt ddyled ffioedd dysgu academiaidd yn ddyledus. Bydd y Brifysgol yn tynnu myfyrwyr oddi ar y rhaglen ac yn

trefnu i'r cofnodion perthnasol gael eu cau os na thelir y ddyled cyn pen dau fis i ddyddiad cychwyn y rhaglen/ y flwyddyn academaidd.

- 1.4 Cyfrifoldeb y myfyriwr yw sicrhau bod yr holl daliadau yn cyrraedd y Brifysgol erbyn y dyddiad gofynnol ar gyfer taliadau. Ni wneir unrhyw eithriad oherwydd bod banciau ar gau yn ystod gwyliau cyhoeddus/cenedlaethol ac fe ddylai'r myfyriwr ragweld y rhain. Cyfrifoldeb y myfyriwr yw sicrhau bod taliadau'n cael eu gwneud yn brydlon a bydd y Brifysgol yn cymryd camau llym yn erbyn unrhyw fyfyrwr sy'n methu â gwneud hynny.

Mae ffioedd newydd yn berthnasol i fyfyrwyr newydd sy'n ymrestru yn unig, ond mae'r pwyntiau atebolrwydd (y pwyntiau pan fydd canran o'r ffi yn dod yn daladwy) a'r broses o dynnu'n ôl yn berthnasol i bob myfyriwr newydd a myfyrwyr llawn amser a rhan-amser sy'n dychwelyd, ac eithrio myfyrwyr PhD/MPhil.

1.5 Dilynir Polisi Adennill a Chasglu Dyledion / Gweithdrefnau Ariannol ar gyfer casglu ac adennill dyled ffioedd dysgu myfyrwyr, a gellir defnyddio cosbau amrywiol yn dibynnu ar y ffioedd sy'n ddyledus. Mae'n ofynnol talu unrhyw fath o ddyled sy'n weddill cyn y gellir cyflwyno eich dyfarniad, cyhoeddi tystysgrif neu gadarnhau eich presenoldeb mewn seremoni raddio, gan gynnwys ffioedd dysgu.

1.6 Mae gan bob myfyriwr gyfrifoldeb i beidio ag ymgysylltu mewn gweithredoedd anghyfreithiol, fel gwyngalchu arian. Gwyngalchu arian yw'r broses o elwa ar drosedd a llygredd (enillion troseddau) a mynd i'r afael â nhw mewn ffyrdd sy'n cuddio eu tarddiad troseddol. Dylai myfyrwyr ddeall eu cyfrifoldeb i: beidio ag ymgysylltu â gweithgareddau amheus; bod yn wylidwrus; gwybod beth i'w wneud os ydynt yn poeni am weithgaredd sy'n gysylltiedig â chyfrifon banc sydd ganddynt; a bod yn ymwybodol o oblygiadau difrifol cymryd rhan yn y math hawn o weithgaredd troseddol. Bydd myfyrwyr sy'n cael eu hadnabod i fod yn cymryd rhan mewn gweithgareddau gwyngalchu neu weithgaredd troseddol arall yn gyfrifol am eu gweithredoedd, a chosbau'r Brifysgol a goblygiadau cyfreithiol sy'n deillio o'r gweithgaredd hwnnw.

2. DIFFINIADAU

- 2.1 Defnyddir y diffiniadau canlynol o fewn y polisi hwn:

Myfyrwyr newydd: unigolion sy'n cychwyn rhaglen astudio newydd, waeth unrhyw astudiaeth flaenorol gyda'r Brifysgol.

Myfyrwyr sy'n dychwelyd: unigolion sy'n ail-ymrestru ar yr un rhaglen a astudiwyd y flwyddyn flaenorol neu sy'n ail-ymrestru ar ôl cymryd cyfnod o absenoldeb wedi'i gymeradwyo, neu sy'n trosglwyddo'n uniongyrchol o un rhaglen i raglen arall fel rhan o drosglwyddiad a gymeradwywyd gan y Brifysgol.

Myfyrwyr cartref: y myfyrwyr hynny sy'n bodloni'r diffiniad o gymhwysu ar gyfer ffioedd cartref yn unol â *Rheoliadau Addysg (Ffioedd a Dyfarniadau) (Cymru) 2007* a *Rheoliadau Addysg Uwch (Cyrsiau Cymhwysol, Personau Cymhwysol a Darpariaeth Atodol) (Cymru) 2015*. Dim ond ar gategoriâu penodol o fyfyrwyr y codir ffioedd cartref. Dylai myfyrwyr ymgynghori ag UKCISA am yr wybodaeth ddiweddaraf.

Myfyrwyr rhyngwladol: y myfyrwyr hynny nad ydynt yn bodloni'r diffiniad o Fyfirwyr Cartref.

3. TELERAU AC AMODAU FFIOEDD DYSGU

Mae'r telerau ac amodau canlynol yn berthnasol fel a ganlyn:

Adran:	Yn berthnasol i:
A: TELERAU AC AMODAU FFIOEDD DYSGU	Holl fyfirwyr ar wahân i'r rheiny sydd wedi ymrestru ar raglenni Ar-lein PW
B: GWYBODAETH YCHWANEGOL AR GYFER MYFYRWYR YMCHWIL ÔL-RADDEDIG	Holl fyfyrwr Ymchwil Ôl-raddedig
C1: TELERAU AC AMODAU FFIOEDD DYSGU YCHWANEGOL	Holl fyfirwyr Rhyngwladol
D: TELERAU AC AMODAU FFIOEDD DYSGU YCHWANEGOL	Holl fyfirwyr CARTREF ar wahân i'r rheiny sydd wedi ymrestru ar raglenni Ar-lein PW
E: TELERAU AC AMODAU FFIOEDD DYSGU YCHWANEGOL	Holl fyfirwyr sydd wedi ymrestru ar raglenni Ar-lein PW

A: TELERAU AC AMODAU FFIODED DYSGU – HOLL FYFYRWYR AC EITHRIO MYFYRWYR AR-LEIN PW (GWELER ADRAN E)

Er mwyn osgoi amheuaeth, ystyrir bod yr holl ffioedd a thaliadau a gyhoeddir ar dudalennau gwe'r Brifysgol yn rhan o'r ffi ddysgu academaidd.

A1: MYFYRWYR SY'N TROSSLWYDDO EU HASTUDIAETHAU YN FEWNOL NEU O SEFYDLIAD ARALL

Bydd y myfyrwyr presennol sy'n trosglwyddo o gwrs arall a ddechreuodd cyn 1 Medi 2022 i gwrs arall gyda'r un dull o astudio ac o fewn yr un band ffi yn cael eu hasesu o dan yr hen (presennol) drefniadau ffioedd dysgu a chymorth i fyfyrwyr sy'n gymwys i'r cwrs gwreiddiol.

Caiff myfyrwyr sy'n trosglwyddo o gwrs a ddechreuodd cyn 1 Medi 2022 i gwrs gyda dull gwahanol o astudio eu hasesu dan y trefniadau ffioedd dysgu a chymorth i fyfyrwyr newydd.

A2: MYFYRWYR SY'N DERBYN CYDNABYDDIAETH AM DDYSGU BLAENOROL / DRWY BROFIAD BLAENOROL (RP(E)L)

Pan roddir RP(E)L i fyfyrwr am un neu fwy o fodiwlau ac felly mae'n gwneud llai na'r credydau disgwylidig am y flwyddyn, addesir y ffi safonol flynyddol ar gyfer y flwyddyn y byddai'r modiwlau eithriedig yn cael eu hastudio fel a ganlyn:

Cymhwysir gostyngiad o 5% o'r ffi ddysgu flynyddol a nodir (net o unrhyw fwsariaethau neu ysgoloriaethau) fesul 10 credyd o RP(E)L a gymeradwyir i'r ffi ddysgu flynyddol ar gyfer y flwyddyn y byddai'r credydau eithriedig wedi cael eu hastudio

Dylid gwneud pob cais am RP(E)L ar adeg gwneud cais.

A3: AILASESU MYFYRWYR BLWYDDYN EILDRO GYDA PHRESENOLDEB

Bydd gofyn i fyfyrwyr **Ailadrodd Blwyddyn Israddedig** sy'n gorfod ailsefyll eu hyfforddiant a'u hasesiad dalu ffi gwerth £750 fesul 10 credyd pan gaiff modiwl ei gyfeirio. Mae hyn yn amodol ar yr un pwyntiau atebolrwydd ag a nodir isod ar gyfer yr holl ffioedd dysgu llawn amser eraill.

Ni newidir unrhyw ffioedd dysgu pan fydd modiwl yn cael ei ohirio (fel arfer drwy Amgylchiadau Esgusodol cymeradwy).

A4: ARHOLIADAU MEWN LLEOLIADAU ERAILL

Os bydd myfyrwr yn gofyn i arholiad Prifysgol gael ei gynnal mewn lleoliad arall o dan amgylchiadau eithriadol (er enghraifft oherwydd bod y myfyrwr yn gallu dangos ei fod yn methu â theithio i'r Brifysgol oherwydd rheswm da), a bod y Brifysgol yn cytuno i gais o'r fath, bydd y Brifysgol yn codi ffi weinyddol am hyn. Mae'n bosibl hefyd y bydd yn rhaid i'r myfyrwr dalu ffioedd neu daliadau ar wahân i drydydd partïon mewn perthynas â'r arholiad mewn lleoliad arall.

A5: MYFYRWYR SY'N ASTUDIO CYRSIAU YCHWANEGOL

Pan fydd myfyrwyr eisoes yn astudio cwrs israddedig llawn amser, caniateir i lwfans o un modiwl 20 credyd ychwanegol gael ei astudio heb i ffi ddysgu gael ei chodi yn amodol ar ddangos bod yr astudiaeth ychwanegol hon yn gysylltiedig â'u cwrs astudio ac yn ychwanegu ato. Ni chynhwysir cyrsiau byrion mewn ieithoedd (ac eithrio Saesneg mewn-sesiynol) yn yr eithriad hwn oni bai eu bod yn hanfodol. Mae'n rhaid i unrhyw eithriadau i'r gofyniad hwn gael eu cymeradwyo gan Ddeon y Gyfadran a'r Cyfarwyddwr Cyllid cyn i fyfyrwyr ymrestru ar y modiwl(au) neu'r cwrs ychwanegol.

A6: CYRSIAU A GANSLIR GAN Y BRIFYSGOL

Mae gan bob cwrs isafswm maint dosbarthiadau ac mae'n bosibl y cânt eu canslo os nad yw digon o fyfyrwyr yn ymrestru arnynt. Er bod y Brifysgol yn gwneud ei gorau glas i osgoi'r sefyllfa hon, os bydd yn codi, bydd gan y myfyriwr yr hawl i ad-daliad llawn o unrhyw ffioedd a dalwyd neu gall ddewis trosglwyddo i gwrs arall. Ni fydd y Brifysgol yn atebol, fodd bynnag, am unrhyw golledion eraill a gafwyd o ganlyniad i hynny.

O dan yr amgylchiadau annhebygol y bydd rhaid gohirio dosbarth unigol oherwydd salwch staff neu oherwydd unrhyw reswm arall y mae'r Brifysgol yn gyfrifol amdano, bydd yn gwneud pob ymdrech resymol i aildrefnu neu wneud darpariaeth ar gyfer darparu'r cyfle dysgu perthnasol drwy ddull arall neu o fewn y dosbarthiadau sy'n weddill yn y cwrs.

A7: TEITHIAU MAES

Ar gyfer rhaglenni israddedig ac ôl-raddedig, mae costau ar gyfer teithiau maes sy'n hanfodol ar gyfer eich rhaglen astudio yn cael eu cynnwys yn y ffi ddysgu. Bydd gofyn i fyfyrwyr dalu ffi ar wahân ac ychwanegol ar gyfer unrhyw gostau teithiau maes ac ymweliadau sydd wedi'u cynnwys mewn modiwlau opsiynol neu sydd wedi'u dylunio i ategu eich astudiaethau.

Pan fo cost ychwanegol yn daladwy ar gyfer taith maes opsiynol, ni chaniateir i fyfyriwr fod yn bresennol ar y daith maes nes y bydd unrhyw daliad sy'n ddyledus wedi ei wneud yn llawn. Gall methu â bod yn bresennol ar y daith maes am na thelir ffi am hynny arwain at fethu modiwl neu raglen a dylai myfyrwyr ystyried hyn wrth ddewis rhaglenni ac opsiynau modiwlau.

Gall ystod o gyrsiau proffesiynol, yn bennaf ym maes Busnes, gynnwys lwfans ar gyfer treuliau sy'n gysylltiedig â'r cwrs. Gelwir y trefniadau hyn yn drefniadau ffioedd cyfansawdd. Bydd tiwtor cwrs y myfyriwr yn darparu'r manylion llawn.

A8: GWEITHGAREDDAU A FFIOEDD YCHWANEGOL

Gall fod yn ofynnol ar gwrs i fyfyriwr fynychu penwythnosau preswyl neu sesiynau addysgu eraill y tu allan i'r Brifysgol a gallai fod yn ofynnol i'r myfyriwr dalu ffi ychwanegol amdanynt. Ar gyfer myfyrwyr israddedig, caiff y ffi hon ei chynnwys yn eich ffi ddysgu os yw'n rhan orfodol o'ch rhaglen. Mae'n bosibl y bydd yn rhaid i fyfyrwyr ar raglenni eraill dalu ffi ychwanegol.

Mae'n bosibl y bydd rhaid neu na fydd rhaid i fyfyrwyr ddarparu deunyddiau ychwanegol a nwyddau traul; pan fydd darpariaeth o'r fath yn hanfodol er mwyn i'r myfyriwr allu cwblhau ei astudiaethau; y Brifysgol fydd yn eu darparu. Ym mhob achos arall, mae'n bosibl y bydd rhaid i fyfyrwyr ddarparu unrhyw ddeunyddiau ac adnoddau traul eu hunain.

Gall myfyrwyr fod yn gyfrifol ar wahân am dalu ffioedd i asiantaethau allanol megis ffi gofrestru gyda chorff proffesiynol. Byddwch yn cael gwybod a yw hyn yn berthnasol i'ch cwrs fel rhan o'ch proses ymgeisio.

A9: TALIADAU YCHWANEGOL AR GYFER COPIAU ERAILL O DDOGFENNAU

Mae gan fyfyrwyr yr hawl i un copi o ddogfennau swyddogol yn ymwneud â'u statws fel myfyriwr. Mae hyn yn cynnwys cardiau myfyrwyr, dogfennau yn cadarnhau eu statws fel myfyriwr ymrestredig, canlyniadau academaidd a, lle bo'n briodol, trawsgrifiad a/neu dystysgrif. Gall y Brifysgol godi ffi am gopïau ychwanegol neu ddyblyg o unrhyw un o'r dogfennau hyn, neu lythyrau ychwanegol penodol ynghylch eich statws fel myfyriwr, yn ogystal ag unrhyw ffi weinyddu ychwanegol a chostau postio am y rhain.

B: GWYBODAETH YCHWANEGOL AR GYFER MYFYRWYR YMCHWIL ÔL-RADDEDIG

B1: FFI OEDD DYSGU

Mae ffioedd dysgu yn berthnasol i'ch cofrestriad ar raglen yn unig ac nid ydynt yn cynnwys eitemau megis:

- Argraffu a rhwymo traethawd
- Unrhyw gostau teithio a/neu gofrestru ar gyfer cynhadledd

Pan fydd myfyriwr Ymchwil Ôl-raddedig yn ymrestru am y tro cyntaf ar ddechrau ei gwrs, gall ymrestru yng nghanol y flwyddyn academaidd. Os felly, bydd ffi'r flwyddyn gyntaf yn cael ei chyfrifo ar sail pro-rata a bydd yn rhedeg o'r dyddiad ymrestru hyd ddiwedd y flwyddyn academaidd honno (31 Gorffennaf). Pan fyddant yn ail-ymrestru ar gyfer y flwyddyn academaidd nesaf, bydd y ffi lawn ar gyfer y flwyddyn academaidd gyfan yn daladwy. Bydd y flwyddyn bilio ar gyfer myfyrwyr Ymchwil Ôl-raddedig yn rhedeg o 1 Awst i 31 Gorffennaf yn unol â'r flwyddyn academaidd.

B2: DYFARNIADAU PRIFYSGOL CAER YN UNIG: FFI CYFLWYNIAD I DDOD

Pan fyddwch wedi gorffen casglu data a drafftio prif rannau eich traethawd i fformat drafft boddhaol, gallwch wneud cais am ffi 'cyflwyniad i ddod' rhaglen lai. Mae'n rhaid i fyfyrwyr llawn amser fod wedi cwblhau tair blynedd o gofrestriad a myfyrwyr rhan-amser, pum mlynedd o gofrestriad. Ni fydd y cais yn cael ei ôl-ddyddio fel arfer am fwy na 14 diwrnod ac uchafswm hyd y statws hwn yw 12 mis. Os nad yw'r thesis wedi cael ei gyflwyno cyn pen y cyfnod 12 mis hwn, bydd y ffi yn dychwelyd i'r ffi ddysgu lawn, arferol ar gyfer y rhaglen. Ni ddylai myfyrwyr fod ag unrhyw ffioedd dysgu dyledus sy'n ymwneud â dyled Prifysgol cyn cymryd eu harholiad viva voce.

C: TELERAU AC AMODAU FFI OEDD DYSGU YCHWANEGOL AR GYFER MYFYRWYR RHYNGWLADOL YN UNIG (AC EITHRIO MYFYRWYR AR-LEIN PW - GWELER ADRAN E)

C1: AMSERIAD Y TALIADAU

Myfyrwyr Newydd - Ffioedd blwyddyn 1af: Mae'n ofynnol i fyfyrwyr dalu o leiaf 50% o'u ffioedd dysgu blwyddyn gyntaf cyn y rhoddir CAS, a dylid talu gweddill y balans yn llawn cyn pen 6 mis o ddyddiad dechrau'r cwrs. Fel arall gall y myfyriwr ddarparu tystiolaeth o nawdd sy'n cadarnhau bod y ffi lawn ar gyfer y flwyddyn gyntaf yn daladwy gan eu noddwr cymeradwy. Rhaid derbyn isafswm ffioedd y cwrs neu'r llythyr noddwr cymwys cyn i lythyr CAS gael ei gyhoeddi.

Mae'r Brifysgol yn cadw'r hawl i ofyn am daliadau ffioedd cwrs yn llawn cyn cyhoeddi'r CAS os penderfynir bod hyn yn angenrheidiol i gefnogi cais fisa'r myfyriwr.

Os na thelir ffioedd y cwrs yn unol â Thelerau ac Amodau'r cynnig, efallai na fydd gan y Brifysgol unrhyw opsiwn arall, heblaw tynnu'r Ysgoloriaeth a ddyfarnwyd i'r myfyriwr yn ôl.

Myfyrwyr sy'n Dychwelyd - Mae'r holl ffioedd dysgu yn ddarostyngedig i isafswm taliad o £5,000 (neu'r ffi lawn os yw'r ffi lawn yn llai na £5000) cyn cofrestru wrth ail-ymrestru ar gyfer yr 2il, y 3edd neu'r 4edd flwyddyn, gyda'r balans sy'n weddill yn daladwy erbyn 31 Ionawr yn y flwyddyn academaidd berthnasol.

Cyfrifoldeb y myfyriwr yw sicrhau bod yr holl daliadau yn cyrraedd y Brifysgol erbyn y dyddiad gofynnol ar gyfer taliadau. Ni wneir unrhyw eithriad oherwydd bod banciau ar gau yn ystod gwyliau cyhoeddus/cenedlaethol ac fe ddylai'r myfyriwr ragweld y rhain. Cyfrifoldeb y myfyriwr yw sicrhau bod taliadau'n cael eu gwneud yn brydlon a bydd y Brifysgol yn cymryd camau llym yn erbyn unrhyw fyfyrwr sy'n methu â gwneud hynny. **Os na fydd myfyriwr yn gwneud y taliad cychwynnol cyn cofrestru, neu'r taliad olaf erbyn 31 Ionawr yn y flwyddyn academaidd berthnasol, efallai y bydd yn ofynnol i'r Brifysgol dynnu'r myfyriwr yn ôl.**

Os oes gan fyfyrwr Fisa Myfyriwr, byddwn yn rhoi gwybod i'r UKVI nad ydym bellach yn noddi'r myfyriwr. Efallai bydd y UKVI yn ysgrifennu at y myfyriwr i gwtogi ei ganiatâd i aros. Rhaid i'r myfyriwr wneud trefniadau i ddychwelyd adref neu wneud cais o dan gategori fisa gwahanol.

Gall methiant i dalu ffioedd dysgu yn llawn erbyn y terfynau amser gofynnol arwain at drosglwyddo manylion myfyrwyr i asiantaeth casglu dyledion a gyflogir gan y Brifysgol.

Dylid gwneud taliadau ffioedd ymgeisio a ffioedd dysgu gan Fyfirwyr ac Ymgeiswyr Rhyngwladol o'r tu hwnt i'r DU drwy [Borth Talu Flywire](#) y Brifysgol pan fo modd gwneud hynny. Bydd ffioedd ymgeisio nad ydynt yn cael eu talu drwy Flywire (h.y. wedi'u talu'n uniongyrchol i gyfrif banc Prifysgol Wreccsam) yn cynnwys ffi weinyddu pe byddai angen eu had-dalu. **Ni** fydd ffioedd gwneinyddu'n cael eu codi ar gyfer ad-daliadau wedi'u gwneud drwy Flywire.

C2: MYFYRWYR GYDA NODDWR ARIANNOL

Mae gan fyfyrwr noddwr ariannol swyddogol os mai Llywodraeth ei Mawrhydi, ei Lywodraeth gartref, y Cyngor Prydeinig neu unrhyw sefydliad rhyngwladol, cwmni rhyngwladol, Prifysgol neu ysgol annibynnol yn y DU a gydnabyddir yw ei noddwr. Mae'n ofynnol i fyfyrwr sy'n cael ei noddi'n llawn yn y ffordd hon dalu blaendal o 50% o ffi blwyddyn gyntaf y cwrs er mwyn

derbyn CAS. Gellir gwneud taliad gan noddwr neu'r myfyriwr. Mae'n rhaid i ymgeisydd gyflwyno copi o'i llythyr noddi. I fod yn ddilys, mae'n rhaid i'r llythyr ddangos:

- enw'r myfyriwr;
- enw swyddogol a manylion cyswllt y noddwr ariannol;
- dyddiad y llythyr;
- hyd y nawdd; a
- swm yr arian y mae'r noddwr ariannol swyddogol yn ei roi, neu ddatganiad y bydd yn talu holl ffioedd y cwrs a chostau byw

Anfonir anfoneb at y noddwyr ar ôl i'r myfyriwr ymrestru i drefnu talu gweddill y ffioedd.

Mae'n rhaid i'r myfyriwr hyn ddarparu llythyr wrth ymrestru/ail-ymrestru ar gyfer pob blwyddyn o'u cwrs yn cadarnhau y bydd eu noddwr yn talu'r ffi am y flwyddyn academaidd benodol honno. Bydd canlyniad methu â darparu llythyr o'r fath yn golygu bod y myfyriwr yn gyfrifol am dalu.

Mae'n rhaid i'r taliadau gael eu gwneud yn uniongyrchol i'r Brifysgol ac ni chânt eu dal gan asiant recriwtio.

Ni fyddwn yn derbyn taliadau drafft na siec. Derbynnir taliadau ar-lein neu drosglwyddiadau banc neu yn bersonol yn Swyddfa Cyllid y Brifysgol.

C3: CYRSIAU BYRION IAITH SAESNEG - FISAS MYFYRWYR SY'N YMWELD

Mae'n rhaid i bob myfyriwr rhyngwladol ar gyrsiau byrion iaith Saesneg sy'n gofyn am fisa myfyriwr sy'n ymweld dalu blaendal o £1,000 na ellir ei ad-dalu cyn i llythyr derbyn neu wahoddiad gael ei gyflwyno. Mae'n rhaid talu gweddill y Ffioedd Dysgu yn llawn 21 diwrnod cyn i'r cwrs ddechrau.

C4: PEIDIO Â THALU FFIOEDD

Gall y canlynol ddigwydd i bob myfyriwr Israddedig ac Ôl-raddedig Rhyngwladol nad ydynt wedi talu'r ffioedd dysgu yn llawn erbyn y dyddiadau perthnasol:

- Gwahardd yn awtomatig o'r Brifysgol am beidio â thalu Ffioedd Dysgu
- Bydd y Brifysgol yn rhoi gwybod i Swyddfa Gartref y DU (UKVI) cyn pen 10 diwrnod i'r gwaharddiad gan y Brifysgol. Disgwylir i'r myfyriwr adael y wlad neu wneud cais am ganiatâd i aros dan gategori fisa gwahanol gan na fydd y Brifysgol yn ei noddi mwyach. Bydd y UKVI yn cymryd unrhyw gamau angenrheidiol i ddiddymu'r fisa.

C5: CYRSIAU SAESNEG CYN-SESIYNOL

Caiff pob myfyriwr rhyngwladol sy'n dilyn cwrs Saesneg cyn-sesiynol ei asesu ar ddiwedd y cwrs cyn-sesiynol i weld a yw wedi cyflawni'r lefel ofynnol o Saesneg. Os bydd gan fyfyrwr un CAS ac maent yn gymwys i barhau ond mae angen hyfforddiant Saesneg mewn-sesiynol **gorfodol** arnynt mae'n rhaid iddynt dalu £500 yn ychwanegol ar gyfer y cwrs a'r arholiad mewn-sesiynol, a fydd yn cael eu darparu ar y cyd â'r brif raglen.

C6: ESTYNIAD I FISA MYFYRIWR

Os bydd angen i fyfyrwr ymestyn ei fisa myfyriwr, mae'n rhaid iddo fod â chefnogaeth y Brifysgol ar ffurf CAS (Cadarnhau Derbyn ar gyfer Astudiaethau). Os bydd unrhyw ffioedd dysgu yn ddyledus i'r Brifysgol, ni chyhoeddir unrhyw CAS newydd.

C7: NEWID STATWS TALWYR FFI I FYFYRIWR FFI OEDD CARTREF

Mae'n bosibl y caiff myfyriwr ei asesu fel un 'tramor' at ddibenion asesu ffioedd pan fydd yn ymrestru yn y Brifysgol am y tro cyntaf ac wedyn yn newid ei statws ffioedd cyn diwedd y rhaglen.

Er y gallai ei statws newid yng nghanol blwyddyn, dim ond ar ôl i'r person hwnnw ymrestru neu ail-ymrestru y daw'r newidiadau hyn i rym.

Er enghraifft, ni fydd gan fyfyrwr sy'n ymrestru ar gyfer mis Medi fel talwr ffi dramor, y mae ei amgylchiadau wedyn yn newid yng nghanol blwyddyn ac sy'n dod yn fyfyrwr ffioedd cartref, yr hawl i dalu'r swm is tan fis Medi'r flwyddyn academaidd nesaf pan fydd yn ail-ymrestru (os yw'n berthnasol). Disgwylir iddo dalu'r ffi ryngwladol lawn yn y flwyddyn academaidd ddilynol o hyd, ac ni fydd ganddo hawl i unrhyw ad-daliad ar hyn.

C8: SUT I DALU FFI OEDD SY'N DDYLEDUS

Er mwyn ymrestru yn y Brifysgol, rhaid i chi dalu **unrhyw ffioedd dysgu sy'n ddyledus cyn pen y terfynau amser uchod**. Fel arall, bydd y Brifysgol yn ystyried eich tynnu yn ôl o'r cwrs astudio.

Os bydd yr holl ffioedd sy'n ddyledus i'r Brifysgol yn parhau heb eu talu erbyn y dyddiadau cau gofynnol, ni fydd hawl gennych i astudio ac ni fydd y Brifysgol yn caniatáu i chi ymrestru, ac/neu fe fydd yn eich tynnu yn ôl o'ch rhaglen.

Os ydych chi ar fisa Myfyriwr, bydd y Brifysgol yn **rhoi gwybod i'r UKVI nad ydych bellach yn un o fyfyrwyr Prifysgol Wrecsam, bod eich nawdd wedi'i dynnu'n ôl ac nad ydych yn bodloni'r telerau ac amodau'r fisa myfyriwr a gyflwynwyd i chi**.

C9: POLISI AD-DALU

Mae ad-dalu unrhyw ffioedd dysgu yn ôl disgrisiwn y Brifysgol.

Rhaid i bob myfyriwr y mae ei gais am fisa yn cael ei wrthod gyflwyno copi o'r adroddiad gwrthod (gan y Swyddog Clirio Mynediad) i'r Brifysgol cyn pen 7 diwrnod ar ôl y penderfyniad gwrthod. Mae'r brifysgol yn eich cynghori i gyflwyno adolygiad gweinyddol os bydd eich cais am fisa yn cael ei wrthod. Rhaid i chi ddilyn cyngor y Brifysgol ar eich adolygiad gweinyddol a chyflwyno'ch apêl cyn pen 21 diwrnod ar ôl y penderfyniad gwrthod.

a) Os bydd eich cais am fisa yn cael ei wrthod a'ch bod yn cyflwyno adolygiad gweinyddol, ond nid yw'r UKVI yn gwyrddroi'r penderfyniad gwreiddiol ac mae'r gwrthodiad yn sefyll, ac nad

yw'r gwrthodiad yn ganlyniad i ddogfennaeth dwyllodrus neu anghywir, byddwch yn cael ad-daliad llawn.

b) Os bydd eich cais am fisa yn cael ei wrthod a'ch bod yn methu â chyflwyno adolygiad gweinyddol ac nad yw'r gwrthodiad yn ganlyniad i ddogfennaeth dwyllodrus neu anghywir, tynnir ffi o £2,000 o'r ffioedd cwrs a dderbyniwyd gan y Brifysgol cyn gwneud ad-daliad.

c) Os bydd eich cais am fisa yn cael ei wrthod a bod y gwrthodiad o ganlyniad i ddogfennaeth dwyllodrus neu anghywir ac nad yw adolygiad gweinyddol yn gwrthdroi hyn, ni wneir ad-daliad o'r ffioedd cwrs a dderbyniwyd.

Tynnu'n ôl cyn cyhoeddi Fisa: Bydd ymgeiswyr sy'n tynnu eu cais yn ôl cyn cael y fisa'n cael ad-daliad llawn o holl ffioedd dysgu'r flwyddyn gyntaf a dalwyd, namyn ffi weinyddol gwerth hyd at £250.

Tynnu'n ôl ar ôl cyhoeddi Fisa: Bydd ymgeiswyr, sydd angen CAS er mwyn gwneud cais am fisa, sydd yna'n tynnu'n ôl ar ddyddiad dechrau'r cwrs, neu cyn i'r cwrs ddechrau, ar ôl cael fisa, yn cael ad-daliad llawn o holl ffioedd dysgu'r flwyddyn gyntaf a dalwyd, namyn ffi weinyddol gwerth hyd at £1,000.

Tynnu'n ôl o ganlyniad i fethu Saesneg Iaith: Bydd myfyrwyr sy'n ymrestru ar gyfer cwrs Saesneg cyn-sesiynol ar un CAS ond sy'n methu â chyflawni'r gofyniad yn cael eu tynnu'n ôl wedyn a bydd ganddynt hawl i ad-daliad o'r ffi ddysgu prif gwrs llai cost y cwrs cyn-sesiynol a llai ffi weinyddu o hyd at £1,000.

Ni fydd myfyrwyr presennol sy'n dewis tynnu'n ôl o'r modiwl ymarfer uwch yn cael ad-daliad ar gyfer y modiwl hwn oni bai bod amgylchiadau eithriadol, bydd ceisiadau'n cael eu hasesu ar sail unigol.

Ni fydd modd ad-dalu myfyrwyr presennol nad ydynt yn gallu symud ymlaen at y modiwl ymarfer uwch oherwydd cynnydd academaidd.

Bydd myfyrwyr presennol y mae gofyn iddynt dynnu'n ôl oddi ar y modiwl ymarfer uwch oherwydd mater Prifysgol yn cael cynnig ad-daliad o'r ffi ymarfer uwch.

Tynnu'n ôl ac Ataliadau yn ystod y rhaglen: Bydd pob myfyriwr Rhyngwladol ar gyrsiau Israddedig ac Ôl-raddedig sy'n tynnu'n ôl neu'n atal eu hastudiaethau yn ystod eu rhaglen astudio yn cael y lefelau canlynol o ad-daliad o'r Ffioedd Dysgu net (ar ôl unrhyw ysgoloriaeth) ar gyfer y flwyddyn academaidd honno:

- (i) llai na naw wythnos cyn dyddiad dechrau'r cwrs — 75%;
- (ii) rhwng naw a deunaw wythnos ar ôl i'r cwrs ddechrau — 50%;
- (iii) dros deunaw wythnos ar ôl i'r cwrs ddechrau — 0%.

Ni fydd unrhyw fyfyrwr sy'n cael ei ganfod i dorri polisi ymfudo UKVI yn gymwys am ad-daliad o unrhyw ffioedd. Mae hyn yn cynnwys unrhyw fyfyrwr wedi'i dynnu'n ôl gan y sefydliad oherwydd nad yw wedi mynychu, ar ôl cwblhau'r weithdrefn absenoldeb swyddogol.

Ni fydd myfyrwyr sy'n atal eu hastudiaethau yn gallu aros yn y DU ar eu fisa Myfyriwr cyfredol, a rhoddir gwybod i'r UKVI fod y myfyriwr wedi atal ei astudiaethau a byddant yn cymryd y camau angenrheidiol i gwtogi fisa'r myfyriwr. Bydd disgwyl i'r myfyriwr ddychwelyd adref neu wneud cais am ganiatâd i aros os yw'n dewis aros yn y DU. Bydd gan y myfyriwr yr opsiwn i ddychwelyd i'w astudiaethau (fel y cytunwyd ar y ffurflen atal astudiaethau), i wneud hyn bydd angen CAS newydd ar y myfyriwr i allu gwneud cais am ei fisa newydd. Os bydd y myfyriwr yn gofyn am ad-daliad yn dilyn yr ataliad, bydd gofyn iddo dalu'r holl ffioedd sy'n ddyledus cyn cyhoeddi ail CAS.

Tynnu'n ôl o gyrсияu byr: Bydd pob myfyriwr Rhyngwladol ar gyrсияu byr sy'n gofyn am fisa myfyriwr sy'n ymweld ac sy'n tynnu'n ôl o'i gwrs cyn pen 14 diwrnod o ddechrau'r cwrs yn cael ad-daliad llawn o'i Ffioedd Dysgu namyn ffi weinyddol o hyd at £1,000.

Talu'r ad-daliad

Os cytunir bod ad-daliad yn daladwy bydd ffioedd dysgu yn cael eu had-dalu i'r talwr gwreiddiol gan ddefnyddio'r un dull talu â'r taliad gwreiddiol.

Gellir tynnu ffioedd banc a ffioedd gweinyddu o'r ad-daliadau a wneir drwy drosglwyddiad banc neu electronig yn ôl disgrisiwn Prifysgol Wrecsam (cyfeirio at adran C1).POB MYFYRIWR RHYNGWLADOL I NODI:

Bydd ffioedd dysgu yn parhau'n ddyledus tan y dyddiad y bydd y tîm Cydymffurfiad Mewnfudo yn cael ffurflen tynnu'n ôl o'r brifysgol/atal prifysgol wedi'i llenwi'n gywir ac sydd wedi'i llofnodi gan y gyfadran academaidd y mae'r myfyriwr yn astudio ynddi. Fel arfer, ni fydd gwaharddiadau ôl-weithredol yn cael eu hawdurdodi. Gweler D5 i weld pwyntiau atebolrwydd perthnasol. Dylai myfyrwyr gyfeirio at Bolisi Ymgysylltiad Academaidd Myfyrwyr y Brifysgol

D: TELERAU AC AMODAU FFI OEDD DYSGU YCHWANEGOL - MYFYRWYR CARTREF (AC EITHRIO MYFYRWYR AR-LEIN PW)

D1: AMSERIAD Y TALIADAU

Mae ffioedd yn ddyledus ar adeg ymrestru ac mae'n ofynnol i fyfyrwyr roi gwybod i'r Brifysgol pa drefniant talu sy'n berthnasol iddynt:

D2: WEDI'I ARIANNU'N LLAWN (LLAWN AMSER)

Mae angen i chi ddatgan i'r Brifysgol os yw SLC yn talu eich ffi ddysgu pan fyddwch yn ymrestru.

Mae'r Cwmni Benthyciadau Myfyrwyr fel arfer yn cadarnhau eich cyllid drwy ddull electronig i'r Brifysgol. Fodd bynnag, gellir gofyn i chi ddarparu tystiolaeth o hyn.

Mae angen i chi dalu'r ffi lawn, neu os yw'r ffi yn fwy na £1,000, yna talu mewn tri rhandaliad fel a ganlyn:

Dyddiad Dyledus y Rhandaliad

Cyntaf	erbyn 31 Hydref
Ail	erbyn 31 Ionawr
Trydydd	erbyn 30 Ebrill

Bydd ffioedd ar gyfer cyrsiau gyda dyddiadau dechrau amrywiol, gan gynnwys rhaglenni PGR, yn amodol ar ddyddiadau wedi'u haddasu, caiff manylion eu darparu cyn y dyddiad ymrestru

Gallai methu â thalu eu ffioedd dysgu yn llawn erbyn y terfynau amser gofynnol olygu bod myfyrwyr yn cael eu tynnu oddi ar y rhaglen, ac y trosglwyddir manylion myfyrwyr i asiantaeth casglu dyledion a gyflogir gan y Brifysgol

D3: MYFYRWYR GYDA NODDWR FFFIOEDD

Mae'n rhaid i fyfyrwyr ddarparu llythyr/archeb brynu wrth ymrestru/ail-ymrestru ar gyfer pob blwyddyn o'u cwrs gan gadarnhau y bydd eu noddwr yn talu'r ffi am y flwyddyn academiaidd benodol honno, ar adeg ymrestru neu cyn pen terfyn o 30 diwrnod. Mae'n rhaid i'r llythyr gynnwys cyfeiriad e-bost, y gall y Brifysgol anfon anfoneb ato, gydag enw cyswllt, rhif archeb brynu (os yw'n berthnasol) a swm y nawdd. Noder mai cyfrifoldeb y myfyriwr yw sicrhau bod yr holl ffioedd yn cael eu talu. Os nad yw'r noddwr yn talu ffioedd y myfyriwr am unrhyw reswm, y myfyriwr fydd yn atebol am y taliad. Noder fod angen darparu llythyr bob blwyddyn y bydd myfyriwr wedi'i gofrestru a dylid ei anfon at y Brifysgol.

D4: NEWID EICH DULL ASTUDIO

Os bydd myfyriwr yn newid o astudio Llawn Amser i bresenoldeb Rhan-amser, neu i'r gwrthwyneb, caiff y ffioedd dysgu sy'n ddyledus eu newid neu eu credydu i adlewyrchu hyn yn ystod blwyddyn academiaidd y newid. Bydd myfyrwyr sy'n newid i ddull astudio Rhan-amser (h.y. fel myfyriwr Rhan-amser ar gwrs Rhan-amser) yn gorfod talu'r ffi ran-amser berthnasol. Atgoffir myfyrwyr sy'n newid i'r modd Rhan-amser y byddant yn fforffedu unrhyw fwrariaeth Llawn Amser sy'n ddyledus. Bydd myfyrwyr sy'n newid i ddull astudio Llawn Amser yn gorfod talu ffi'r cwrs Llawn Amser safonol. Cyfrifoldeb y myfyrwyr sy'n derbyn cymorth ariannol myfyrwyr yw rhoi gwybod i'r Cwmni Benthyciadau i Fyfyrwyr am unrhyw newid yn y dull o astudio.

Mewn amgylchiadau eithriadol, pan fydd myfyrwyr yn newid eu dull astudio o Lawn Amser ar gwrs Llawn Amser er mwyn cael eu dynodi fel Rhan Amser ar gwrs Llawn Amser at ddibenion cymorth ariannol i fyfyrwyr, mae'r canlynol yn berthnasol:

- Mae'n rhaid i'r myfyriwr gael cytundeb Deon y Gyfadran berthnasol a'r Cwmni Benthyciadau i Fyfyrwyr;
- Ni fydd y newid mewn modd yn para mwy na dwy flwyddyn academiaidd (uchafswm o 120 o gredydau dros ddwy flynedd);
- Bydd y ffi a godir yn 50% o'r ffi ddysgu Llawn Amser ym mhob blwyddyn y mae'r myfyriwr wedi'i ymrestru fel Rhan-amser ar gwrs Llawn Amser;
- Mae'n rhaid hysbysu'r adrannau Cyllid a Chynllunio Strategol ar unwaith.

Y Swyddfa Gyllid yw'r pwynt cyswllt ar gyfer cyfrifiadau ffioedd diwygiedig.

D5: TYNNU'N ÔL/GWAHARDD O'R CWRS -ATEBOLRWYDD AM Y FFI OEDD

Mae myfyriwr yn dod yn atebol am ganran o'r ffi ddysgu cyn gynted ag y bydd yn ymrestru. Mae atebolrwydd yn gymwys o ddechrau'r flwyddyn academaidd berthnasol, hyd yn oed os yw'r myfyriwr yn ymrestru yn hwyrach na'r dyddiad hwn. Mae'r cyfnod ail-feddwl o bythefnos yn berthnasol o'r pwynt ymrestru, ni fydd myfyriwr sy'n tynnu'n ôl o fewn y cyfnod hwn yn atebol am unrhyw ffioedd.

Pennir yr atebolrwydd am y ffi lawn fesul cam. Os bydd myfyriwr yn ymrestru, ond yn penderfynu wedyn nad y Brifysgol yw'r peth iddo/iddi neu mae angen iddo/iddi atal yr astudiaethau, yna gall cyfran o'r ffi fod yn daladwy yn dibynnu ar pryd y bydd yn penderfynu gadael y cwrs.

Mae'r dyddiad gadael yn eithriadol o bwysig:

	Myfyriwr yn gadael rhwng		
	Dechrau	Diwedd	% y ffi sy'n daladwy
Dechrau mis Medi			
Cyfnod ail feddwl o bythefnos	23/09/2024	06/10/2024	0%
Atebolrwydd 1	07/10/2024	06/01/2025	25%
Atebolrwydd 2	07/01/2025	13/04/2025	50%
Atebolrwydd 3	14/04/2025		100%

	Dechrau	Diwedd	% y ffi sy'n daladwy
Dechrau mis Mawrth			
Cyfnod ail feddwl o bythefnos	12/03/2025	25/03/2025	0%
Atebolrwydd 1	26/03/2025	25/06/2025	25%
Atebolrwydd 2	26/06/2025	30/09/2025	50%
Atebolrwydd 3	01/10/2025		100%

Bydd myfyrwyr sydd â dyddiadau dechrau'r flwyddyn academaidd gwahanol yn ystod y flwyddyn â'r un egwyddorion ynghylch pwyntiau atebolrwydd.

Bydd ffioedd dysgu yn parhau'n ddyledus tan y dyddiad y bydd y Brifysgol yn derbyn ffurflen tynnu'n ôl o'r brifysgol/atal prifysgol wedi'i llenwi'n gywir ac sydd wedi'i llofnodi gan y gyfadrann academaidd y mae'r myfyriwr yn astudio ynddi. Fel arfer, ni fydd gwaharddiadau ôl-weithredol yn cael eu hawdurdodi. Dylai myfyrwyr gyfeirio at Bolisi Ymgysylltiad Academaidd Myfyrwyr y Brifysgol.

NODER OS BYDDWCH YN RHOI'R GORAU I FOD YN BRESENNOL BYDD EICH FFI YN DDYLEDUS O HYD ONI BAI FOD GWEITHDREFNAU FFURFIOL WEDI'U DILYN

Mae'n rhaid i unrhyw dynnu'n ôl sydd wedi ei ôl-ddyddio gyflwyno tystiolaeth i ddangos bwriad gwreiddiol y myfyriwr i dynnu'n ôl ar y dyddiad a nodir. Mae'n rhaid i fyfyrwyr lenwi ffurflen tynnu yn ôl ym mhob achos.

Noder bod ad-dalu unrhyw ffioedd dysgu yn ôl disgrisiwn y Brifysgol. Ystyrir ad-daliadau dim ond pan fydd y myfyriwr yn gofyn am dynnu yn ôl ac nid pan fydd yn ofynnol i fyfyrwr dynnu'n ôl, er enghraifft, oherwydd torri rheol y weithdrefn ymddygiad myfyriwr neu Delerau ac Amodau'r Cynnig. Mae myfyrwyr sy'n cael eu tynnu'n ôl gan y Brifysgol yn parhau i fod yn atebol am ffioedd dysgu hyd nes y dyddiad tynnu'n ôl

E: TELERAU AC AMODAU FFI OEDD DYSGU YCHWANEGOL - AR-LEIN PW

E1: MYFYRWYR YN CAEL CYDNABYDDIAETH O DDYSGU BLAENOROL (RPL)

Pan roddir RPL i fyfyrwr am un neu fwy o fodiwlau ac felly mae'n gwneud llai na'r credydau disgwylidig am y flwyddyn, bydd ffi'r rhaglen yn cael ei lleihau yn ôl cyfran.

E2: CYRSIAU A GANSLIR GAN Y BRIFYSGOL

Mae gan bob cwrs isafswm maint dosbarthiadau ac mae'n bosibl y cânt eu canslo os nad yw digon o fyfyrwyr yn ymrestru arnynt. Er bod y Brifysgol yn gwneud ei gorau glas i osgoi'r sefyllfa hon, os bydd yn codi, bydd y myfyriwr yn cael ei ymrestru ar y rhaglen nesaf neu fodiwl addas sydd ar gael. Bydd yn gymwys am ad-daliad o unrhyw ffioedd a dalwyd.

E3: TALIADAU YCHWANEGOL AR GYFER COPIAU ERAILL O DDOGFENNAU

Yn eich ffi ddysgu bydd gyfer bob blwyddyn academaidd bydd tystiolaeth eich bod wedi ymrestru ac un copi o ddogfennau swyddogol yn ymwneud â'ch statws fel myfyriwr. Mae hyn yn cynnwys eich cerdyn myfyriwr a dogfennau fel llythyrau yn cadarnhau eich statws fel myfyriwr cofrestredig, eich canlyniadau academaidd a, pan fo'n briodol oherwydd eich cyflawniad, trawsgrifiad a/neu dystysgrif. Os bydd angen arnoch gopiâu ychwanegol neu ddyblyg o unrhyw un o'r dogfennau hyn, neu lythyrau ychwanegol penodol ynghylch eich statws fel myfyriwr gall y Brifysgol godi ffi weinyddu ychwanegol a chostau postio am y rhain.

E4: MYFYRWYR A ARIENNIR DRWY SLC

Mae angen i chi ddatgan i'r Brifysgol os yw SLC yn talu eich ffi ddysgu pan fyddwch yn ymrestru. Dylech fod yn ymwybodol:

- (i) efallai y bydd rhaid i chi dalu eich ffioedd dysgu cyn i chi dderbyn cyllid gan SLC. Dylech wneud trefniadau i sicrhau y gallwch wneud hyn. Ni fyddwch yn gallu parhau gyda rhaglen na modiwl o fewn y rhaglen honno heb dalu'r ffioedd perthnasol, gall eithriadau fod yn berthnasol i fyfyrwyr sy'n gweithio ar y cyd â'r Tîm Cyllid a Chyngor Ariannol er mwyn caffael cyllid blynnyddoedd ychwanegol oherwydd Rhesymau Personol Anorchfygol (CPR).

- (ii) bydd unrhyw gyfnodau o dynnu'n ôl o'r rhaglen dros dro yn cael eu hadrodd i SLC a gall hyn arwain at oedi o safbwynt cyllid pan fyddwch yn ailddechrau'r rhaglen;
- (iii) os ydych yn cael cyllid gan SLC heb ymgysylltu â'r rhaglen, dylech dybio y bydd rhaid i chi ad-dalu'r holl arian i SLC.

E5: TROSSLWYDDO RHAGLENNI

Pan fo myfyriwr yn trosglwyddo o wahanol raglenni Ar-lein PW, bydd unrhyw ffioedd sydd eisoes wedi'u talu yn erbyn modiwlau nad oes modd eu trosglwyddo ar y rhaglen wreiddiol, dim ond yn cael eu credydu i'r rhaglen newydd os yw'r myfyriwr wedi atal ei astudiaethau cyn bod unrhyw asesiad yn cael ei gynnal o fewn y modiwl dan sylw ar y rhaglen wreiddiol.

Ymwadiad - Noder: Mae Prifysgol Wrecsam wedi cymryd pob cam posibl i sicrhau bod yr wybodaeth a gynhwysir uchod yn gywir ar adeg ei chyhoeddi. Fodd bynnag, mae'n bosibl y bydd yr wybodaeth yn agored i newid os gwneir penderfyniadau y tu hwnt i'r Brifysgol sy'n effeithio ar bolisiâu a gweithdrefnau o ran ffioedd, bwrsariau, grantiau ac ysgoloriaethau.